

四

明叢書

張宗祥

四明叢書

四明叢書序

曩歲代桐城馬通伯先生序劉刻貴池先哲遺書嘗據
錢潛孳之文以爲薈萃前人書併爲一部始於宋左氏
百川學海存墜簡而發潛光用以興起來學其爲功甚
鉅後讀甘泉鄉人稿亦謂叢書始宋左圭四庫全書雖
未列百川學海之目然子部雜編類按語固詳著之夫
左禹錫自題古鄞山人固四明人也鄞縣志當補爲傳其所刻
十集中已集庚集有鄭安晚清之高續古似孫二家書
續古騷略子略外有選詩句圖一卷鄞縣藝文志亦失之則已以四明人刻四明遺

著矣顧自宋至今縣歷六百有餘歲浙江各州郡多刻
其一州一郡之書而四明蓋闕如也以始勅叢書之地
反不如他州郡鄉人士君子雖或有志焉而未之逮也
古鄧張君詠霓旣刊其先君肖菴先生奏議及其祖母
秋燈課讀圖題詠曰寸草廬贈言以行世復推敬恭桑
梓之誼而慨然以爲己任採千載之遺韻收百世之闕
文兼於聽政布教閒爲各書作序及跋如抱經堂與守
山閣則又他州郡叢書所未有者也夫四明學術爲清
代鉅公碩儒所稱頌

如阮張二文達及
章實齋胡墨莊等

然亦僅知有慶

曆五先生陸門四君子暨東發深寧充宗季野謝山倣
居而已此書出而浙東之學彪炳於瀛寰矜式於全國
奚翅爲四明來學有所興起哉蓋自左氏後六百有餘
歲而張君爲之終條理焉今第一集二十有四種殺青
竟矣嗣是而賡至數十百集非又張君守先待後之心
與爲無終窮者耶承命作序并囑急就遂欣喜贊歎而
長言之極知僭妄亦不復辭云同學弟象山陳漢章序

四明叢書凡例

一 吾浙各郡除衢嚴處外若丁氏丙之武林往哲遺著

武林掌故叢編孫氏福清之樵李遺書陸氏心源之

湖州叢書劉氏承幹之吳興叢書徐氏友蘭之紹興

先正遺書宋氏世榮楊氏晨之台州叢書胡氏鳳丹

宗楙之金華叢書及續編孫氏詒讓之永嘉叢書黃

氏羣之敬鄉樓叢書近年平湖金氏蓉鏡兆蕃續刻

樵李叢書一二集先哲遺書盡成叢刻吾郡闕然寧

非憾事爰輯鄉先生著作彙刊之顏曰四明叢書

一吾郡自任闕諸虞以儒術顯代有作者蔚爲文獻之
藪郡志藝文書目無慮數千百種然佚者過半恨難
收輯余因是復有四明經籍志之輯是編所收先取有關鄉邦利弊
足資身心學問而坊肆無傳本或傳而未廣者若屢
經刻印之書或卷帙過繁者則皆從緩

一吹劍一錄續至再四知不足齋叢書刻至卅集卽並
世敬鄉樓叢書亦已一輯之後踵刻三輯此書先刻
二十四種題曰第一集接續再刻卽名二集三集以
至八集志或不逮望諸友朋

一前人刻書有節錄以就簡約者似嫌割裂不全是編
務存原文雖序跋歲月無關宏旨亦不輕削惟間有
前賢著述有關鄉邦文獻而毫芒流落僅存一二者
吉光片羽爲之編輯補綴以資流傳

一是編意在徵集文獻雖非本鄉人士其著述有碑四
明掌故者概在甄錄之列

一每種卷首或題以序簡末或附以跋或既序又跋以
闡作者立論之大凡與夫昔賢訂證之苦心並誌友
朋贈遺之雅意

一是編板式略仿鮑氏知不足齋叢書全葉十八行行
二十一字書中前代提頭多從銜接

一是編每刻一書必取諸善本參校互異之處擇善而
從其無從互校者仍之然落葉之紛旋掃旋作魯魚
亥豕在所難免覽者幸有以正之

一是編不分部居一集之中略以作者時代爲次

一是編僅就搜羅所及隨時付梓海內珍藏家儻有先
人遺書鄉賢祕冊德行學術足以傳後未經流布尤
望寄刊以闡幽隱

一 釀金刻書古今佳話壽鏤 綿力有限是編之成端賴
海內及鄉人士邪許倘有以資相助者誼得並書以
誌不忘

一 是編之刻雖由壽鏤 發起而吳興張君秉三首先贊

助惟發願在十餘年以前其時張丈讓三猶在相與
勸勉其繼則馮君孟顥張君子相張君苞舫張君伯
岸最後則忻君紹如專任其事而孟顥助我尤多更
得陳君伯弢夏君同甫黃君棻邨嘉興張君令僧粵
東李君續川湖南尹君桐陽喻君民可永康胡君伯

棠皆分文字編輯及徵求之勞或訪尋指示之雅海
門施君韻秋總任勘校尤盡心焉而王君書衡遠道
以甬上先哲書目手鈔見示並敘述版本源流尤爲
可感惜墓木已拱不及見是書之成爲之歔歔不置
民國二十一年一月鄞縣張壽鏞謹識

四明叢書第一集序 集古語

四明按東漢地理志乃越之鄞縣地有句章城及古鄞城皆漢廢城也唐武德初鄞復爲州與嵊餘嚴婺並總於越八年廢鄞爲鄞開元二十六年析會稽之鄞置明

州取四明山爲名

莫將逸老堂記

明士鄉也

王應麟四明七觀

樂育名

俊思覩盛美有日矣

會稽典錄朱育對

其文章之士則御史中

丞任奕

朱育對

學所以治己教所以治人治己審則可以

治人治人審則可以治天下累世一聖是繼踵千里一

賢是比肩

任子

虞氏九世文名爲儒林所歎伯施論儒學不使一日失

業

董道廣
川書跋

文章婉縟慕僕射徐陵陵自以爲類己貌儒

謹外若不勝衣而中抗烈其五絕一曰德行二曰忠直

三曰博學四曰文詞五曰書翰

唐書虞
世南傳

季真風流文章豈在李邕裴敦復之下

莫將逸
老堂記

潔身遠

引令人毫無形跡之可指

汪國質季
真祠堂記

歸後築室四明之

鹿亭樊榭時往來稽山晚年李杜二公益相推重史家

稱唐中葉將相有功帝室惟鄴侯郭汾陽先生之識鄴

侯李翰林之識郭汾陽此豈當時詩人所能及耶

李鄴
嗣甫

此耆
舊傳

古之遺直曰豐清敏排姦抵奄讜論廩廩七人心正畏

暑水面獨搖風此豐清敏之志也王應麟困學紀聞慶曆師儒

斯文統盟並游三先生之門七觀按清敏師其二而友其一

臨川一陸自得於心淳熙四儒探蹟性淵七觀楊簡之學

非世儒所能及施諸有政使人百世而不能忘宋史楊簡傳

疏寮觥觥追配范陸苦吟之餘尙聞三略全祖望湖語

晚宋時夢窗處靜西麓詞家之大宗也袁鈞四明近體樂府夢窗

與姜夔辛棄疾倡和清四庫提要筆墨之妙如絮浮水如荷

溼露

三台詩話

晚年困躋以死

全祖望答萬經寧波府志雜問

深寧居士九歲通六經得呂成公真文忠之傳著書三

十餘種

鄭真四明文獻集傳

孤忠草詔幅巾潛蹤

湖語

黃文潔先生所傳古今紀要白三皇迄宋上下數千餘

年文約而義備人間學者寶之如天球琬琰

古今紀要逸編左臣

黃趙

俞序曰鈔一編儒苑箕弓

語

異齋學宗朱子務適於用時叔詞意高迴每有論述虞

伯生極推服之人以比河南二程

四明至正志

宋季詞章之士樂道之而弗已者惟剡源戴先生為然

宋濂刻源
文集序
時四明王應麟天台舒岳祥並以文學師表

一代表元皆從而受業焉元史語有之日月之光匪燭

火雨露之澤匪桔槔所從來遠也周汝礪刻源集小引

有明一代前輩之風微語家自以爲舒向人自以爲揚

馬七觀王偶翁執贄劉公念臺之門曰吾以罪失官反以

罪得學可謂失魚而得熊掌也少時爲余太常寅所賞

酷嗜杜詩嘗夢見少陵與握手及官涪州以事至錦官

城過浣花草堂遺像宛如夢中遂箋其詩曰杜臆四明香舊

集傳及
續集

璧堂少卽工詩睥睨一世浪遊吳楚燕趙間所至與魁
人奇士交於浙最契查虛舟於山右則傳青主申鳧盟
於江右則王于一於吳則紀伯紫於閩則許有介諸公
亦翕然推之

申鳧盟所作
傳兼采李志

果堂年十二卽能詩抱家國之痛息機摧橦日與諸失
職者遊燕人梁以梓曰讀果堂海東歌將使句餘一片
地盡化爲蒼燐碧血使人心惻

南雷墓志及
續香齋集

萬氏八龍東井文鈔季野生有異稟讀書五行並下如決海
隄然守先儒之戒以爲無益之書不必讀無益之文不